

地260.181
42
5128

223

書號	152540
登記號	二八二一七
函	
冊	八

鄖西縣志

卷首 目錄 綱要 輿地圖
 卷壹 輿地志
 沿革 星野 形勢 疆域 山川
 風俗 家業 古蹟 八景 物產



223
AI297

登錄號	A 119
收到日期	
來源	
備註	

品
函
里
井

續修鄭西縣志序

鄭西古為廢商之國介乎秦楚
之間先是南北朝及宋元時代為上
津和建明成化年間劃武陽津湯
區域置鄭西縣治至清順治十六年

後裁上津而併之度衰達五百里極
負遼瀾地勢崎嶇交通弗便治理素
稱不易民國二十二年歲甲戌十月
奉命來守是邦觀風問俗察諸民
隱以定施政之方針與緩急舉凡政

治應與庶業者為保甲之組織教
育之普及財政之整理建設之推
進諸大端素諸良心之職責奮力
以赴期年而廢縣具端倪因念及
地方文化攸關之知志乃一邑信史

徵文考獻曷可或闕思有以續而成
之願議未與區志紛乘軍書書堂
午未遑計及心濟咸焉考鄖西知志
目前清乾隆三十八年邑令張君道南
創修維時上津初併鄖西兩邑子實

糾錯失據張君遠徽旁證案草
成編良始力。後於嘉祐同之。其度
重修完以年。淫代遠僅者。掌以考
古而已。民國十一年壬戌。邑令朱君
文法事。續修十九年庚午。邑

令林君兩榘以存籍人士。因念尤切。更
繼而續之者。訂校御書付梓。山半上。反
連遭兵燹。劫後餘燬。散失殆盡。生間
不絕。如縷者垂六年矣。以平深懇。友
歲月。變遷由此。敬供而淫滅。流之

視今將更去可考者又烏可以抱殘
守缺鈎沈稽古之業未貽之棄者於是
蓋其於知起之修不可緩二十五年丙子
秋縣境以旱漸有昇平之家私心
竊喜以時不可失爰集邑紳集

議續修方集設館分事延聘名宿
陳達夫王子餘二先生登堂里鄉
賢諸君子分主筆以以平謬廢
總纂之責闕者補之斷者續之
繼往開來蔚然成帙閱三月而

藏事是皆躬身是役者之恪恭厥
職意志齊一之所致惟時而倉
卒聖漏之談實所不免也故附庸
史例至所希冀要心存春秋謹
正殿之義我網羅今昔若信濶疑因成

實錄耳挽近人心偷薄興依澆漓汲
汲於自私自利之念豈有立德立言
者見微知著作之楷模曷曷末劫之由來
挽狂瀾於久倒以復無喪其民族共躋於
大同之域者耶茲者纂修脫稿行

耐剝刷至同於忠孝之節義我之表彰
嘉之懿行之紀載諷誨博訪不厭
求詳得邑人士知所借鏡惕焉教言
覺善有勸而惡有規頑夫廉而懦
夫立移風易俗關係匪輕至若泥

草之推求制度之考覈與夫誇
張才藻俟譚名勝是又在能事
焉耳後之隨是者可以無與夫

中華民國二十五年十月鄧西縣志編纂

縣志館總纂修潘水郭治平謹序

舊志序

鄆西縣志卷首

鄆西縣志原序 乾隆癸巳

鄆邑令趙來章

天地人物之繁事為之著燦設於前古後今因即目之所擊耳之所聞者筆之於書以垂永久此志之所由作也最患獻既凋謝文亦殘闕風霜兵燹止存什一於千百後之人考核無從即有人物事為亦與荒烟蔓草而俱灰耳嗟乎春秋一經二百四十二年夏五郭公已丑盟審之類猶不敢穿鑿附會矧世遠年湮何從而得信史耶但得留心經濟之士或由簡斷篇殘披拾一二或由老叟傳聞採訪大概或由荒碑古碣領畧大要信以傳信疑以傳疑斯亦可垂永久矣西僻處楚末界連於秦舉目崇山峻嶺我朝鼎興

鄆西縣志

卷首 舊序

一

將上津一縣歸理於西週圍八九百里文獻俱無足徵吾友張吾庵聞晉江名宿也甫蒞茲邑即力自搜考山之巔耶水之涯耶偶有聞見執筆而書積至五年分門別類勒成全志上不負聖天子選擇之任下不負億萬人瞻依之誠所謂留心經濟者舍吾庵其誰與歸昔宋程伯仁為晉城令民以事至邑者告以孝弟忠信暇時召父老與語兒童所讀書為正句讀坐處書視民如傷四字張橫渠為雲巖令敦本善俗每月吉俱酒食名鄉人高年會縣庭親為勸酬使人知養老事長之義朱晦庵簿同安選秀民充子弟員日與講說聖賢修己治人之法古大儒一行作吏本經術為吏治如保赤子不愧父母吾庵歷署州邑如均如川如房士民愛戴歷

久不誼其至西也五載之間風俗頓更凡土著客戶罔不凜服或
稱為惠和廉明或稱為澤被遠方或稱為德媿漁陽於戲此非心
得於古大儒之實用何能使民之傾心輸誠如此耶其自箴云作
鷹鷗甯作鸞鳳為保障不為繭絲三代而下得此吏治者蓋亦少
已彼志書不過一斑之見然亦可窺全豹矣書以為序

鄆西縣志舊序

邑令張道南

有國史然後有省志有省志然後有郡志有郡志然後有縣志志也者識也天道之盛衰地道之豐薄人道之得失皆於是寓故首列星野而災祥以見次以沿革量地而制法也沿革之道莫大於疆域而東西南北定矣次以里堡次以關寨而一邑之山水脈絡分明先占邑中之形勝山水之間有泉洞清而駛衍而奧也次以水利修堤堰也志郵傳者何別遠近以急公務也次以橋梁次以舟渡恐民病涉也至是而志城池王公設險以守國也有城池必有公署發政臨民之所也發政莫急於倉儲而常社分焉常社所貯維穀而昆蟲草木以方產也方產定矣賦役以均應解若干應

鄆西縣志

卷首

舊序

三

吏若干毫釐不差也其養既得其教可興於是而設學校敷文教也文教首重尊師而禮樂昭矣其間啟聖祠及先賢先儒名宦鄉賢禮皆如是而定有文必有武而武廟之禮樂亦尊敬之心所不可廢也尊敬之重者文武二廟而壇壝祀事禮以義起矣若武備之兵防風俗之奢儉尤其不可畧者若秩官若選舉秩官中有名宦選舉中有忠孝有才節有卓行有男子之流寓女人之節孝以及仙釋寺觀古蹟墳墓一一志之崇正道闢異端也異端宜拒妖異必志之者何俾民之警也舉兵寇者何兵戎國之大事興而衰衰而興否泰循環之理也殿以藝文觀天文以察變觀人文以化成也若夫餘編則於志中所不盡錄者搜訪無遺如天之有閏月地之

有支流且以見人事具備缺一不可也嗚呼數百年闕典於府志
省志及前明國史採輯而訂為編下而抄撮殘本至於家傳一帙
人傳一行悉為商酌俾無濫遺後之作者其將有感於斯志

鄖西縣志舊序 乾隆丁酉

總鎮范宜恒 瀋陽人

余自量移鄖協履任後每於觀兵之暇翻閱郡志各邑大略附焉未幾因公赴鄂尋署彝陵鎮篆僕僕道途不獲詳加搜覽殊為憾事歸時各邑長亦復羗委類仍其本任率多代庖間有接見者無以志書為先務余益職司戎律亦不便饒舌強作解事也今冬鄖西邑宰吾庵張君公竣言旋重過荒署促膝談心以兵民休戚為念并將親訂志書見示索序余思志義仿諸國史語無泛設關繫匪輕非通於經術而又身歷其境者不得混行執筆况西邑自上津合併後遼潤幅幘將九百里舊志既僅存梁廣文鈔略則其考證之難已可概見幸吾庵久官斯土當琴治餘閒輒留心於此或

鄖西縣志

卷首 舊序

五

據古援今而標題名勝或採風問俗而紀載休徵或疑以傳疑而不加杜撰或信以傳信而不事敷陳或諦輿情而知生民利病或窺形勢而議境況安危或摩挲碑碣而賡歌明令之詩或廣種琅玕而儼築干城之衛備前人所未備修前人所未修九百里視諸指掌十萬言羅於心胸五載辛勤方成全璧無恠吾庵卓有芳聲嘖嘖人口卧治此疆舍吾庵其誰倚若夫親民之官應作親民之事志書之作不惟足以資考證且作忠教孝移風易俗將來必有明徵貴多裨益在吾庵自不便居為已功然以余衡之吾庵可謂今之賢令尹矣故為之序

鄖西縣志序 乾隆庚午

八十四歲 梁鳳翥 邑人

昔司馬子長作史記上自周秦下逮景武編年次事其語逸詳殷商而前止備梗概表書世家列傳或略而無徵鍾竟陵選詩古文詞或篇章弗完亦咸登之何者遺文獻躅異世相貽其可傳者幸也其不盡傳者重可惜也鄖西邑志自明成化丙申以上人文事蹟分載鄖津設縣而後因地考文而鄖志殘缺元宋以前無復識別上津專志又散失無存自丙申而降二百七十餘年化治正嘉紀載稍備隆萬天崇較之中葉表述不詳十居其七事實無徵十居其四即有一二稱述而補綴不備又不啻十居其九間嘗考羅金石一碣所載竟至秩官四人鄉官一十二人按之舊志僅列其二

鄖西縣志

卷首 舊序

六

其諸一二散見與為金石所不載者不知凡幾豈其時獨無修明歟是何後焉之略且不逮其前之詳耶迨至屠燹頻仍四野為墟文人學士播遷載路狂鋒列焰世猶未戢何有於遺文我朝康熙四年令所在州縣修輯志乘鼎革二十餘年故老猶存燼餘稍富續而成之政復無難守土其誰竟缺未舉可勝惜哉至二十四年郡伯三韓楊公纂修府志又十餘年鄖人李克紹亦繼有府志之輯其所敘述較楊志差詳而西津之山川人文前明紀載不過萬言事實表傳或多不及前史之詳至我國初多闕而未載年湮世遠固已無從考矣雍正己酉撫軍粵西王公督學榆山凌公議修通志邑侯馬公坦學博揚君炯謬以余僭充編次願刻期一旬搜羅

不遑摘二志所載故老舊聞言溢二萬省志所錄其可考也乙卯分守僉憲魯公復修道志大亂原稿罔堪信後其所謂僅傳焉者竟且大半不傳矣余竊惟志也者史之支流而亦國之詳史也星舍之占驗所以佐天官山川經界扼塞之形勝所以備職方天地生殖所以徵食貨由斯而祀戎賦役水利儲積有因革焉學校秩官選舉宦績人物列女有勸懲焉裁兵異學人妖物怪附而臚之以明視聽其著述有關於邑是者則謹而擇之俾傳嘉言而識廢興夫國邑之事史總其大志分其專居父母之邦論次尊親且以一時之耳目上下古今折簡殘帙魯亥雜陳夏五盟密南陔由庚孰闕孰補為蔽為欺為黨為誣其能免乎余念流傳失真重為文

鄖西縣志

卷首舊序

七

獻累退老以來不辭固陋復取曩稿與兒輩大加搜羅分別品目總七十二條七萬五千餘言薈萃八書都為二十四卷藏諸家塾文事弗工聊存故實而已昔宋溫國公作通鑑朱子因之以成綱目左太冲著三都凡奎間廢字市井殘牒掇拾而儲其材者十年余固不敢僭擬第傳其所傳庶後之人可採是而為一助焉爾

鄖西縣續志序 嘉慶甲子

邑令 孔繼樞 山東

郡縣之有志猶國之有史固也然史之論人有美有刺志則惟美是書其體實異至於政事之因革民生之休戚人心風俗之同異志皆得備書為政者按籍而稽瞭如睹掌庶幾興除利弊有所折衷其關於國家治體者甚鉅也鄖西之志經前宰張吾菴纂修其體畧備自嘉慶二年兵燹後板多殘缺予是歲承乏即馳驅於戎馬間暇則築城郭修學校一切興舉之役皆手自區畫徵文考獻嘗有志而未逮今幸軍務告成予將循例入覲念八載以來凡意之所欲為者靡不甞勉為之獨於邑乘一書闕焉未備其何以謝吾責適得吾菴所輯原本為之補刻其吾菴以後之事別為續志四卷粗具大畧而於邊事為詳蓋政事民生之所繫莫大乎是而忠義之士皆出其間人心風俗之厚亦無過乎是矣極知拙於修飾以志例之誠有未盡然事必崇實惟求傳信後之君子旁搜博采泐為全書以備掌故是茲邑之幸即予之幸也夫

鄖西縣志

卷首 舊序

八

鄭西縣續志序 嘉慶乙丑

翰林陳詩武昌

白蓮教匪既平越二年鄭西孔明府以軍功晉銜將述職於京師留武昌數月謬以詩為知言出所修鄭西續志四卷屬為校勘而元晏之詩受而卒業焉竊歎明府之才大於身而盤根錯節信足以別利器也古之言才者曰好以整好以服人當承平無事時指麾進退亦秩然有條一旦臨利害遇事變往往動心駭目漫無所施設此整不足也既已身任艱鉅矣則壹意傾神至寢食不得息有語以他務者輒諉曰是非所急或又曰以俟異日此暇不足也鄭西接壤興安商州教匪往來恒由是出入而明府練習義勇堵禦有方肆應謹呼如使臂指至以是上膺當亡之知而溫語駢蕃

鄭西縣志

卷首 舊序

九

屢形於御筆凡大兵所徃直如枕席上過師吏不知疲民不知役又以其餘力修城垣興水利建書院葺學宮舉他人間燕時所為之不及者明府顧於倥偬之會兼取而併成之非所謂整與暇具者歟是志亦其時所為而据事直書豐而不餘一言約而不失一辭蓋明府所以治戎出政使民有勇知方之大畧悉見端於是焉豈區區考獻徵文補前志之未及而已哉今天子優賢揚歷引郎將於禁坐書刺史於屏風若明府者行且蒙不次之擢而屬在下風有欲識明府治狀者於是書徵之可也

重修鄖西縣志序

鄖西志輯於乾隆三十八年邑令張道南至嘉慶九年邑令孔繼
楫補張志以後事為續志四卷迄今六十年矣夫六十年為甲子
一周天道循環地運旋轉人事遞嬗往往為之一變况夫世際承
平歲登民數戶口之增益可志也時逢兵燹念切同仇忠義之奮
興可志也又其間皇恩之汪濊仕宦之遷擢人才之彪炳與夫閭
閻士女之孝友義行節烈卓卓可傳者何可勝道逮今略而弗講
後將何所據耶歲甲子程禮門大令來宰上津為民興利除害百廢具
舉著有循聲時厲伯符方伯檄飭各郡縣修輯志書禮門引為已
任借邑中儒宿葉廣文年茶等悉心搜討不遺餘力閱一載而梓

鄖西縣志

卷首舊序

十

遂成禮門率諸士紳踵郡請謁諄諄問序於余余惟鄖西地介麋
高二國間戰國時張儀願獻秦商於地六百里按商州西二百里
有古於城鄖西逼近商州在古特為商之一隅其地實秦楚之會
為鄖襄屏藩幅員遼濶巖澗嶽峙罕斯土者非具精明幹練之才
辨其區域審其要害烏能因地制宜有合於風土人情乎哉然古
為政者如子游宰武城學道愛人絃歌布化子賤宰單父父事兄
事鳴琴而治為政之道不外得人今禮門借邑人士徵文考獻勒
為成書俾六十年之故實不復湮沒其為政于此可見矣吾鄉歸
太僕有云令誠賢也其地之山川草木亦被其澤而有榮也不其
然乎禮門已擢郡守他日出膺五馬若文翁之化蜀郡龔遂之化

渤海行將于宰斯邑勝之余故于是書之成為鄖西邑人士幸也
是為序

同治五年歲次丙寅夏四月上澣知湖北鄖陽府事前翰林院庶
吉士刑部雲南司郎中嘉定陳壽圖撰

重修鄖西縣志序

志書與史書相表裏史之體例志之體例也有作史之三長而後可以修志乘志乘所載一邑之星纏分野備於斯一邑之輿圖沿革備於斯一邑之農田水利備於斯一邑之山川險隘備於斯一邑之戶口殷繁備於斯一邑之賦役輕重備於斯一邑之文治武功兵防政典與夫土風習俗隨時變易者無不備於斯微特此也名宦鄉賢於斯而矜式之貞孝節烈於斯而表彰之揚清激濁微顯闡幽吏治官方咸資考鏡鄖西志自乾隆三十八年前令張君吾庵創修始嘉慶乙丑年孔君甯谷續之迄今缺而不講者六十餘年矣鄖西向與上津分縣上津歸併鄖西後兩邑事實舛錯失

鄖西縣志

卷首 舊序

十二

據張君遠稽明志近攷省志府志旁參梁君韶儀抄本志彙萃成編纂輯詳整顧自兵火摧殘以來川原鹿駭中澤鴻聲桴鼓宵鳴驚砂夕振邗野冥頑之輩既不知掌故為何物而一二抱殘守缺之士又復如幼安之避地杜老之流離滿目蕭條志於何有一旦而餘靈漂漚盪滌無存文教光昌士林休光補苴掇拾此其時矣同治甲子冬十月光第承乏茲邑甫下車而觀風問俗息訟安民數月麤有條理接見邑紳父老議續修縣志事眾咸心傾首肯如得其意中所欲言適奉藩憲厲札諭修志遂即設局於試院本舊志而因之續之修之飾之類分十門書成二十卷文近三十萬言是役也勸募若干緡捐廉若干緡創始於同治乙丑三月歲事於同

治丙寅四月延請邑中葉君子薌揚君星衢主筆削以及淹通博雅諸君子罔不昕宵赴局共襄厥成余臚列其姓氏著於編復撮其大要而為之序曰鄖陽屏蔽安襄楚省北門之鑰鑰也去府治九十里為鄖西縣萬山叢雜界巨豫秦撫茲赤紫巖壘按圖考籍其為民干城保障當何如其為民輕徭薄賦當何如其為民歸真返樸當何如其為民振興學校鼓舞人才當何如固不惟是涉獵詞華侈談名勝汎汎然視此志為應劭風俗之通荆楚歲時之紀已也今夫士大夫作一日官即當為民造一日福光第自愧風塵俗吏毫無功德於民昔猥蒙大中丞胡文忠公褒以廉不言貧勤不言苦究之余何能廉求已而已余何能勤循分而已回思時勢

艱難之會簿書迷悶之秋往往俯仰悲懷急思與斯民相見以性天而不可得茲乃因邑乘之修與都人士徵文考獻庶稍慰守土者維持風化之苦心矣所惜山僻無書蒐討未富要惟是網羅散失存信闕疑與古人嘉言懿行之流僅獲什一於千百聊借以紹往昔而詒來茲耳若云志之體例悉符合於史之體例則吾豈敢同治五年歲次丙寅夏四月誥授中憲大夫候選知府鄖陽府鄖西縣知縣古弦程光第撰

原修姓氏 乾隆三十八年

纂修

鄭西縣知縣張道南 吾庵福建晉江舉人

協修

鄭西縣教諭吳夫傑 拙存黃陂舉人

鄭西縣訓導戴悅 習蒼天生

採輯

上津堡巡檢覃維楚 廣東德慶附貢

鄭西縣典史高鑑 順天大興監生

麻城縣訓導王之煒 邑貢生

鍾祥縣訓導王杞 邑貢生

貢 生向昂

貢 生王霽

貢 生王繡綸

貢 生王經綸

鄭西縣志

卷首 原修姓氏

貢 生胡錦繪

校對

生 員吳炎光

生 員羅宗珣

生 員趙

生 員王聰

生 員陳葆元

生 員胡學瀚

生 員晏文蔚

生 員胡學洙

生 員吳文光

生 員鄧豈

生 員梁拱權

生 員魯廷揚

續修姓氏 嘉慶十年

纂修

同知街郎 孔繼幹 零谷曲 阜人

協修

郎西縣儒學教諭 顏大倫 敦甫江 陵人

原任江蘇南匯縣丞 補雲南按察使司經歷 王景暄 化原曲 阜人

參訂

上津堡巡檢 陳增

郎西縣典史 楊錕

採訪

邑歲貢生 胡學洙 候選訓導

邑恩貢生 梁拱權

邑歲貢生 翟士琳

郎西縣志

卷首 原修姓氏

二

校對

邑廩生 王樹德

邑廩生 張士英

邑廩生 楊大驥

邑廩生 夏之松

邑廩生 劉啟文

邑廩生 鄧楚傑

邑廩生 吳坤

邑廩生 林日華

邑廩生 胡楚梁

邑廩生 周之瑄

新修姓氏 同治五年

主修

候選知府鄖西縣知縣調署棗陽縣事程光第

協修

鄖西縣學教諭天門舉人揀選知縣董代祥

鄖西縣學訓導程家耀

翰林院待詔銜署鄖西縣學正任竹谿縣學賀雯若

藍翎六品銜前署來鳳化縣典史儘先補用巡檢耿自端

孝廉方正增廣生陶煥甲

州同 銜梁尚華

歲貢生夏世槐

候選訓導桂丹菴

生員陳鐸

生員李登鰲

纂修

鄖西縣志

卷首 原修姓氏

三

恩貢生遇缺即選教諭葉年榮

花翎候選知府江南司行走郎中楊卿雲

遇缺即選訓導林正蕙

孝廉方正歲貢生何中清

貢生陳際盛

貢生何學濂

校閱

候選訓導鄧秉忠

生員殷汝霖

拔貢生祝方鑾

生員梁虹

分校

生員梁景昭

廩生鄭文炳

生員葉年芳

增生程式

廩生雷呈祥

生員夏葵臣

甲

生 員周鳴崗

生 員胡聯芳

廩 生余信芳

生 員皮煥炳

生 員鄧城

生 員夏恒

生 員金鰲

生 員張守忠

生 員李成林

生 員蘇長庚

生 員周廷傑

生 員周之琳

經理

署鄆西縣典史陶嘉傑

候選州判陶煥廷

鄆西縣典史黃其澣

藍翎候選衛守備柴紀銘

藍翎候選從九品楊正榮

監 生吳天輝

鄆西縣志

卷首 原修姓氏

四

採訪

增 生雷鳴

生 員王蘭

生 員余錦芳

生 員夏之緘

生 員方維翰

生 員李華林

孝廉生朱子瀛

生 員江陵雲

貢 生曹凌霄

生 員彭用中

監 生劉文選

候選訓導徐奎斗

生 員許士進

貢 生王鳳亭

監 生莫開先

監 生柯光先

廩 生劉繼昌

武 生孟魁元

貢 生王正序

貢 生周添壽

廩 生阮昌奇

監 生祝方蒂

生 員姚文錦

廩 生祝方太

監 生祝濟品

貢 生張上選

生 員祝文炳

監 生傅文煒 生 員朋錫五 監 生易登科

監 生湯霖 生 員周全瑾 生 員蔡敦復

監 生文學清 監 生馬鳳儀 生 員胡朝璣

生 員王道康 監 生王煒 廩 生王日中

生 員賈鳳翔 生 員何其昌 生 員李毅

監 生韋德明 庠 生柯文藻 監 生雷正興

生 員祁心泰 生 員周之楨 生 員汪汝霖

生 員劉永貞 生 員王者瑞 廩 生梁桂林

生 員常悅道 廩 生鍾秀山 監 生余際時

貢 生劉子森 貢 生高映明 貢 生洪錦文

鄭西縣志 卷首 新修姓氏 五

藍翎竹山 協標千總原署鄭王剛

勸捐採訪名目

監 生周秉鈞 生 員余懷珠 生 員柯文藻

監 生熊文輝 監 生祁連翰 生 員張登瀛

生 員程萬象 監 生張上湖 監 生夏慶三

監 生黃元吉 貢 生童兆南 生 員秦自全

候選主簿楊瑞雲 都司銜陶紹前 武 生徐聯升

監 生蔣萬典 耆 民吳明清 軍 功馮傳綸

軍 功王宗文 生 員程盛勅 五品頂戴嚴治德

廩 生夏光照 武 生黎鵬舉 監 生楊正昇

武 生胡鶴鳴 生員汪海清 生員張道南

廩 生曹榮釗 監 生李喬賢 監 生樂九成

監 生陳文茂 監 生廖清銘 生員梅士全

貢 生劉九錫 生員耿介 廩 生黃高清

生員祝方懋 從 九陳友雲 監 生陳克明

武 生王大榜 監 生陳國興 生員彭用賓

監 生王廷選 生員徐映甫 監 生侯鳳亭

生員徐映霞 監 生袁大倫 武 生李鳳春

州 同張濬川 武 生譚金龍 從 九王正隆

武 生徐文友 監 生楊季青 生員蔣丹臣

鄭西縣志 卷首 新修姓氏 六

從 九黃一春 監 生柯道錦 監 生劉壽齡

監 生黃永安 從 九品李鴻鈞 監 生柯恒愷

生員徐致中 生員王宅中 武 生馬振朝

監 生歐可行 衛千總祝方城 監 生彭瑞章

監 生陳倫中 軍 功李友梅 生員桂超月

軍 功王家賢 從 九品涂世秀 生員熊自敏

武 生李長枝 監 生桂作珍 軍 功唐顯強

耆 民梅奇英 貢 生劉方瑞 軍 功馬振海

廩 生曹光大 監 生趙學典 生員葉長秀

監 生夏慶明 生員張鳴瑞 監 生阮光壽

監 生桂超仕 武 生呂光華 生 員王謙

生 員祝方哲 監 生張廷貴 生 員祝保泰

武 生明邦武 監 生魏秉越 監 生張大國

軍 功何百祥 軍 功李長興 監 生傅文煒

生 員祝三多 監 生傅次說 監 生陳惟精

附 生孟鵬程 監 生徐子溫 生 員王猷

軍 功段白檢 監 生汪啟常 生 員劉振基

監 生於輝禮 武 生官陳謨 武 生黃高成

生 員單書齋 監 生李士明 監 生彭自成

軍 功李占一 監 生尚英 監 生江彩雲

鄖西縣志 卷首新修姓氏 七

監 生彭鈞統 監 生朱才敏 生 員張立綱

監 生江瑞雲 生 員喬凌雲 貢 生劉仁化

武 生汪采芹 監 生陳槐 武 生汪蓋田

監 生王萬化 監 生劉傳煜 廩 生陳鴻猷

監 生劉賢禮 武 生紀倫 軍 功黨金銘

監 生趙學俊 生 員吳顯坤

方勝友 王士勝 李芳甲 李文岡

范守中 魏保泰 劉利元 戴德

虞彬 晏愈發 盧廷貴 余炳中

朱錦江 余恒興 紀恒泰

民國辛未年續修姓氏

主修

代理鄆西縣縣長林雨樓

纂修

林士衡 彭述 彭碧泉 陳進德

經理

林之紳

校對

周廷桂

採訪

鄆西縣志

卷首續修姓氏

劉尚賢 柴文源

鄆西縣志續修姓氏卷首

民國丁丑年續修姓氏

總纂修

鄭西縣縣長郭治平

纂修

陳文善

王家驥

徐夫安

柴文誥

林雨樓

張孝瑞

彭碧泉

曹廷獻

陳進德

夏時

林鴻基

余奎廷

經理

余揚廷

林之紳

採訪

鄭西縣志

卷首續修姓氏

二

吳開運

夏時

校訂

柯靜
柴蕃

鄭西縣志目錄

卷首

綱要

輿地圖

卷一

輿地志

沿革

星野

形勢

疆域

鄭西縣志

卷首

目錄

山川

風俗

冢墓

古蹟

八景

物產

卷二

建設志

城池

廨署

壇廟

鄉鎮

關隘

津梁

隄堰

續志

卷叁

經政志

賦役

蠲卹

鄭西縣志

卷首

目錄

倉儲

新政

續志

卷肆

教育志

書院

試院

學額

教育局

學校

經費

續志

卷伍

武備志

兵制

鋪遞

兵事

續志

卷陸

職官志

鄧西縣志

卷首

目錄

文秩表

武秩表

官續傳

續志

卷柒

選舉志

舉貢

代議士

薦避

仕官

列傳

封襲

畢業生

卷捌

人物志一忠義續志

卷玖

人物志二孝友文學武功義行續志

卷拾

人物志三懿行仙釋流寓壽民續志

卷拾壹

鄧西縣志

卷首 目錄

四

人物志四節孝節

卷拾貳

人物志五慈孝節烈貞烈

卷拾叁

藝文志

記傳辨說事略詩續志

卷拾肆

雜志

禪典

軼事

鄆西縣志續修綱要

縣志所以垂永久昭來茲凡一縣之輿圖沿革山川關隘戶口賦役政教風俗文事武備人物吏治皆備於斯徵文獻者咸資考鏡舊志兩經兵燹半就殘缺今為分類續修纂舊輯新提綱挈領俾覽者一目了然

一曰輿地志鄆西在萬山之中毗連秦豫幅員遼濶尋歷不易故為按其沿革星野形勢疆域山川而圖之俾閱者得按圖考籍八景者則斯地之名勝也故並圖焉風俗者則斯地之所由存也物產者則斯地之所自出也故並附焉

二曰建設志舊志以城池街市等類列在輿地者非也蓋城池街

市廨署壇廟寺觀鄉鎮關隘津梁義渡堤堰皆以人力建築設置而成者也故並改列入建設志今以防盜匪之蔓延不得不為人為地方增強自衛計故益之以碉堡慮交通之不便不得不求所以利行旅故益之以公路縣道以此數者亦列於建設

三曰經政志有土地即有人民有人民即有政事有政事即有財用凡賦役蠲賑積儲等類皆國家經常之政也舊志無經政一門以此三者列為食貨志不知經政可以賅食貨而食貨不可以賅經政是以洪範八政雖首列食貨而必有司空司徒司寇賓師政事乃備此經政可賅食貨之明徵也故以賦役蠲賑善舉倉儲列為經政志民國改革以還政制迭更縣政府下設置公安教育財

政建設各局今悉裁併隸屬縣府曩設司法公署旋併入縣府今又成立司法處前各區設區公所今改稱區署其他保甲各級組織以及商賈救濟各法團郵電各機關沿革紀事茲概併入經政四曰教育志教育為造就人才之本學校為造就人才之地然必有經費乃能興辦方今廣設學校亟亟以作育人才為計提昔日之學田賓興及各處廟產改作教育經費因以學校與教育經費二項列入教育志而以舊志之書院義學學額附之存故實也五曰武備志武所以禁暴安民豐財和眾蓋居安不可忘危有備乃能無患有文事者所以不可無武備也鄖西在前清時設城守營各鄉堡要塞皆設汛塘此謂綠營兵制亦所以備不虞也民國

改為警備隊旋併入保衛團今改為保安隊現又因地制宜設壯丁隊軍政為國家安危所繫防備恐後故以兵制兵事列入武備志而以鋪遞列入其中嗣改鋪遞為步檢又改為步哨以傳達公文報告殊形便捷今用電話則消息更靈通矣

六曰職官志國家設官分職文武並重原所以為國為民而非以為名也惟有建樹於國有功德於民者其官遊所至實至而名自歸正不可湮沒也舊志以蒞任斯土之長官分列為文秩表武職表亦所以循名覈實然以南齊以後清乾隆以前之有政蹟者列為名宦又以清嘉慶以後之長官有政蹟者別為政蹟殊覺分歧今通列為文秩表武秩表而以歷代官於斯土有政教功蹟者概

列為官蹟以昭劃一

七曰選舉志國家賴人才以為治人才由選舉而後出舜有天下選於眾而舉皋陶湯有天下選於眾而舉伊尹尚矣周有造士選士漢之孝廉秀才皆由鄉舉里選唐之選舉不由館學者謂之鄉貢開元中移貢舉於禮部謂之舉人宋制三年一貢舉集試禮部通曰舉人入元始有歲貢之名明清則以中式者為舉人貢分有五曰歲曰恩曰拔曰優中副榜者曰副舉西縣治之建始於明成化十二年至清順治十六年乃併上津於鄖西故舊志於明清兩邑之舉貢皆詳載之此外有薦辟武科封襲入民國則有代議士皆選舉制也故並列入志中明清以及民國由選舉有仕蹟者以

鄖西縣志

卷首

雜要

三

文職武職別為列傳亦誌實也

八曰人物志天地之正氣雜然賦之於人人為萬物之靈所謂人物者蓋得天地之正氣而傑出者也取而志之不徒為鄉里之式抑且為邦家之光所以勸善也而懲惡之意寓焉故以男子中之忠義孝友義行懿行文學武功女子中之節孝慈孝節烈貞烈列為人物志其有德品可稱之壽民及仙釋流寓並附之國史則褒貶互見此則有褒而無貶與國史補異亦善善從長之意也

九曰藝文志士人立身自有本末德行本也文藝末也周禮大司徒以鄉三物教萬民一曰六德二曰六行三曰六藝雖三物並重而藝自在德行之後裴行儉所謂士先器識而後文藝是也然文

以載道凡藝文之有關於世道人心者原自足重如書以道政事詩以言性情史以記善惡所以感發人心志者正惟藝文是賴故縣志列藝文為一類而取記傳論辯贊序詩詞之佳而可傳者並錄之舊志有賦數篇概未採入以其非時所尚且與世道人心無關也

十曰雜志志乘原本史體所列各類亦如大綱小紀條分縷析然或有體例不齊亦當萃錄為一類如范成大作桂海虞衡志凡有不可部居者悉以雜志統之是也所有邑中歷來祥異軼事概收入雜志物瑞亦附入其內俾采風者有所考焉

右續修縣志綱要十則參合舊志畧杼鄙見不過欲使觀志

者開卷了然非敢謂有作史三長也